

QUÆSTIO MEDICA,

*Quodlibetariis disputationibus manè discutienda in Scholis
Medicorum, die Jovis XII. Calendas Februarii*

M D C C X I I.

M. CLAUDIO DU FRESNE, Doctore
Medico, Præsidente.

An Variolarum tutior per diluentia sanatio?

I.

CONTINUÆ febris, quam vitiosus in vasis stagnans humor concitavit, variolæ nonnunquam crisis: harum eadem quæ phlegmones suppurandæ symptomata & idem solutionis modus: quotuplex enim cuivis parti corporis, pustula insidet, totuplex illic movenda & expectanda suppuratio; alioquin summè metuenda versùs nobiliora corporis ^{παλιὰ ἐξήκη.} Crisim istam & paucitas materiæ in apostema erumpere gestientis, & benignior crasis sanguinis, & cuticulæ mollietis accelerant: hinc nihil est quòd mireris vel uno die & efferos turgentis illius humoris motus componi, & ejus secerni corruptelas, & in cutem erumpere. Quorum è contrà sanguis sero nimio effatus est & vapescit eoque vel sale acido fixior, vel acriori effe-
rator: quorum pulmones assiduus imbris, inprimis austrinâ tempestate, sætus & gravis aër diutius permeat: quin & ipsa victus ratio exlex, præpostera & perturbata succos erudos invehit in viscera, qui in omnes vasorum recessus abrepti, astuant: horum ut immani viscera diù torreniur incendio, sic purulenta materies sicior aut viscidior partibus hærescit: tollitur spes omnis crises, simul & salutis: hinc illos lumborum dolor excruciat, mictus sanguinis aut intolerabiles anxietates, febris atrox, cujus symptomata nec ipsi parant cerebro: horum mens ipsa hebescit sensuum torpore lethargi prænuntio: vix micat arteria, vix ducitur spiritus, &c. Felices quibus hæmorrhagia, aut secernendi humoris vomitio, imminens eruptionis spem dederint, aut medico succedunt indicationes illius ociùs promovendæ.

II.

JAM nulli mirum quòd tam numerosæ, ab anno & ampliùs, morisquæ aded dubii homines affligerint variolæ. Ubì alium non habebant morbum sibi comitem, sanguis oleosus erat, plurimòque sulphure diluto quidem at nimis evoluto dives. In infantibus crassioris sed mollioris texturæ, pituitâ plurimâ propter ingluviem disfluentibus plerumque variolæ simul cum morbillis erumpébant: ne tamen in illius generis censum adscripseris maculas crebriores rubras, latiores quæ rariorem infantulorum cutim cum cuticulâ strictiore deturpabant & medicis oscitantibus illuserunt: sexto namque ad summum die cum febre obliteratæ in squamulas fursuraceas abierunt erosò solum epidermate, ni nau-
ram corrigere satagentem, hanc sanguinis ad inflammationem prædispositi dia-
thesim calidiora diverterent. Sanguis in aliis astuabat quasi comminutus sale
arsenicali acerrimo: detritis ejus indè principiis & laxato si non dissoluto
vinculo, fibræ laceræ è vasis erumpébant, aut, in cumulum congestæ, facef-
sebant in caneros, apostemata, anthraces feræles: aut, pro sua partiumve qui-

bus inhærebant varia indole: in scirchos internos: tunc prodibant maculæ purpuræ variolis interpersæ. In aliis alia scena, aliud symptomatum choriagium. Vasis incubabat, præcipuè in pinguioribus magna pars materiæ viscidioris, & ejus sanguinisque serum falsum paulò acrius vesiculas infligebat ad erysipelatis, herperis miliaris aut ambusti vesicas accedentes. Ichore effuso acerbior pruritus vexabat: torquebant ea ferocia symptomata quæ non erumpentis quidem abscessus, sed clam parantis insidias prænuntia sunt. Scruteris altiori indagine tot malorum causas? Præsto tibi erunt revolvendo hiemis & veris superioris vices: utraque tempestate imbrès, austro, vel aquilone flantibus, nimis dissolutum aëris salem secum abripuere: eundem tetrìs halitibus inquinarent, quos, vel ducendo spiritum, vel cibos ingerendo, liquida corporis copiosius in se susceperunt & combiberunt: sales quibus isti vapores erant gravidi, sanguine dissoluti, vim omnem in ejus fibras quæ massæ liquorum innatant viscidas, tomentosæ, & quas non ineptè dixeris succi nutritii receptaculum, exercebant solas ut potè supputationi habiles: tùm variè inficiebant modò cogendo modò rodendo, non verà tamen illarum, sed deleterià & internecinà solutione pro sui & succorum charactere. Undè autem potcris efficax subsidium repetere ad deturbandas & extrudendas tot liquidis noxas illatas? ni dilutas molliorèsq; redditis putres has particulas à centro ad peripheriam motus cordis impulsivus propellat, ni diluentibus fibræ flexiliores & pori laxiores propulsis iis & exituris viam citiorem præbeant & patientiorem.

III.

PLURIMI luctuoso ægrorum fato hanc operam à catharticis expectandam audientiùs voluerunt. Purgare, secernere est, ideòque natura morborum medicatrix dicta, quòd secretio sit ipsius opus. Medicamentorum stimulis illa quidem concitatur, at plerumque molestius: contumax, nihil deponit, nihil secernit, ab opere suo præposterè distracta, inerturbata. Quoties quæ foras pulsandæ erant fæces ad ultimos corporis recessus solidis per medicamenta infinguntur? Quoties intricantur illic? Natura è contrà inutilia quibus premi posset studiosè at pacatè secernit & superflua, quorum solummodò quandiù sit secretio, tandiù firmatur sanitas, firma conservatur, præcavetur morbus & solvitur. Aër quem vel inviti ducimus, cibi ipsi, varium corruptelæ genus in sanguinem invehunt, quam corpus insensili transpiratione assiduè extrudit. Cave ne deficiat, cave ne langueat, & ubi languet attende: vasa intumescunt, fibræ crispantur, riget earum elater, ruit, diffringitur. Sequere naturam ducem: quandiù sibi permittitur, repenti aëris afflatu poros ampliare & per hos blandam movere diaphoresim satagit amico sibi & mutuo solidorum & liquidorum in invicem motu; At æstuante cælo ingestis copiosius calidioribus, spirituosius, volatilibus, aut exercitatione vehementiori irritata, habenas laxare cogitur, & sudoribus dissuere, qui si naturæ non sunt semper motus insensibilissimi, saltè non naturales judicandi. Deprehendisti ægrum laborare variolis, & liquidorum molem turpi cæno obrutam, tardiùs manum auxiliatricem porriges? necociùs juvabis? Benè memor dogmatis Hippocratici *quò natura vergit eò ducere oportet*, quâ viâ & ratione molitur secretionem, hæc insiste & perge. An non diluentibus viscida & lutulenta fluida attenuabis? An spem salutis in tritura collocabis? Ea, neglectis diluentibus, vel nulla est, vel indidum præsidium. An non fluxiles facti humores liberiùs & citiùs præterlabentur incernicula? Tùm sanguine à forcibus libero cæterisque liquidis quietè fluentibus, motus tonicus solidorum restituitur, revocatur sanitas.

IV.

DILUENTIUM variæ acceptiones: diluunt enim quæcunque partes materię compactiones ab invicem sejungunt, & in hoc cum solventibus con-

veniunt, adeoque non in liquidis modo, sed & in solidis quibusdam diluendi vim liceat agnoscere; diluunt quæ rigidiores materiæ particulas flexiles reddunt & asperiores illius superficiem quâ adheret & insiguitur poris partium quibus obviâ itur, lævigant, quod liquidorum & humectantium proprium; diluunt quæ humores ad coctionem præparant: dilutione namque salia heterogenea, quibus humores morbos parere consueverunt, obtunduntur, & materia sana à nocente secernitur, quæ hujus coctio est: hinc Divino seni *concocta medicari oportet, & ubi corpora purgare volueris, fluida reddes*. hic diluentium vis maximè examinanda, nec enim calidis semper humor coquitur, non semper illa secernunt utile ab inutili, nec semper quæ noxia sunt foràs pellunt: è contrâ sæpiùs urunt, exsiccant: horum usu fibræ convelluntur potiùs quàm flectantur, irrorentur: testem habes calorem febrilem, qui copiosissimos & si sudores moveat, iis tamen non, aut rarissimè expellit morbi materiam, quia non *qualia oportet* sudoribus iis vacuantur: refrigerantibus persæpè laus ipsa debetur, hæc enim nimium, qui intùs urit calorem, & sanguinis effrænem motum, in quo humorum quorumque confusio, moderari nata sunt. Placet tibi neoteri-
corum sermo? Diluentia fermentationes sedant, effervescentias componunt, nimios sanguinis humorumque motus compescunt. coagulationes præpediunt, lentiores è contrâ accelerant vim, singulorum acredines demulcent exaltata nimium sulphura deprimunt, solidas flectunt partes, sicque in singulis eam in qua sanitas est & per quam redit harmoniam conciliant. Quid aliis opus ut variolæ turè & feliciter sanentur: diluentia motui naturæ favent, quæ succis ditare corpus lenibus, aqueis, fluidis & qui humectent, tota semper attenta est, ut illorum ope sanguinis motus liber, solidorum, id est vasorum elater flexilis persistat, ac proinde in utrisque æquilibrium perseveret quo viget sanitas. At acuto quo tunc pressa morbo per *excessum* quamcunque liberari impotens (nemo namque nescit quantum noceant hic sudores nimii, copiosior sputatio, & alvi liquidior dejectio & frequentior) ab eo per *excessum* id est per abscissum exsolvere se nititur, cujus tuta & felix in tantum sanatio est, in quantum dilutus humor antea præ cruditate crassior, asperior, totus, & si non confertim, ad extremam usque cutim pulsus, colligitur, hic ultimò coquendus, quia ibi & integrâ suppuratione absumitur, Quàm graviter ergò errant qui variolos affectus, undevis oriantur, curandos suscipiunt intentatâ pustularum sup-
puratione, imò devitatâ, & idèò pulveres cardiacos exhibent, aut diaphoretica oggerunt, quibus materiæ illarum portio tenuior & liquidior discutitur quidem, dùm crassior intùs retenta & coërcita siccat, uritur, novas in interioribus (pectore dixerim aut cerebro, ulcere numerosissimo consumtis aut obfessis Sphacelo) nec ab arte medicabiles noxas illatura. Undè non morbi cessatio sed laboris mutatio fit, ut ait Celsus. Nùm graviùs peccant qui præposterioris vacationibus quibuscunque & naturæ motum & humoris audent divertere, ad Hippocratis monita non attenti, qui in iis quæ judicantur aut judicata sint perfectè, pronuntiavit nihil movendum nec innovandum sive purgantibus, sive aliis irritamentis; sed finendum.

V.

HÆREBIS jam ut proponas diluentia? Hæsitabis præscribere illa in cura variolarum? Quid illorum usum, si non rejicis, vis differendum? Per diluentia, variolarum materia & causæ, si jam in actum erumpant, coërcentur & vasis si furit humor, diluendo mitescet. Censes diluentibus viam per venæ sectionem parandam (Quandoquè licet, nec obstitimus; motus namque naturæ adjuvandus primùm, hinc humoris motus componendus, & quem diluentibus præbuit locum venæ sectio, exhibito post aliquot horas emeto-cathartico fac, si convenit, ampliorem: sic evacuato per plurimam partem sero impuro, quod stupendi hujus morbi præcipua est (fuit saltem frequentior hisce temporibus)

causa, ejus quod superest fiet citior, tutior & facilior ope diluentium, secretio, liberioribus scilicet indè viis, & motu secernendorum magis ordinato: hinc mollire alvum nil recuses: minoris longè est incommodi laxior, quàm quæ nimium astricta: quid enim nocentius excrementorum retentorum fixioribus sulphureis halitibus, sanguini tùm & humori cuilibet commiscendis, & in partium fibras acturis? Quas à calidioribus per os assumtis noxas pertimescis, à sulphuribus his crassioribus tibi venient expectandæ. Nihili habenda concludes, & perperam: paucum sanitati reparandæ confert quidem non rarò; sed multò sæpius, quod videtur paucissimum, pervertere œconomiam habile est, & morbos parit, alit, adauget & reddit immedicabiles. *Quæ mole minima, viribus quantum valentiora!* Ad quid diluentia, reponis, in variolis, quarum phlegma crudius parens, spiritus ubique irretit, & sistit liquorum quos viscidiores reddit, motum, cardiacorum usu volatiliùmve, si non uno, saltem ut efficaciori renovandum. Volatilibus solvetur phlegma, inquires, & errabis: à salibus heterogeneis taliter concrevit lymphæ, calidioribus ulterius concentrantur salia quæ liquidis immerguntur; confusos, tumultuosos & incendiarios volatilia in spiritibus motus concitant? efferatiori fursùm motæ bili non impares, undè deliria, phrenitis: hos diluentia moderabuntur; partibus ex se nervosis & ad contractiones de se dispositis & variolarum putri materiâ copiosâ & pungente irritatis convulsivos inferent subsultus calidiora? diluentium usu conquiescent. Verùm per diluentia laxior quia redditur fibrarum tonus & debilior, undè decumbentis materiæ & abscedentis intus occasio, firmari indiget, ut foras hanc expellere valeat. Quis tunc non præscripserit absorbentia, cardiaca, confectiones, pulveres bezoardicos, viperinos, &c. in quibus roborandi vis maxima? Admittemus & quandoquæ in pueris & humidioribus modò humido copioso admisceantur, à quo vim suam evolutam abundè repetant. At si abscedit humor quia fluere cessat, si cessat fluere quia crassior, viscidior, asperior, uno verbo quia crudior, *resistant enim cruda, ut matura facile concedunt;* nec fluxuro illi favent partes suo tùm fraudatæ elatere ut rigidiori, quod in variolis frequentissimum, hunc si diluentibus remiseris, efficies flexiliorem, sicut humorem magis concoctum reddes, mitigatis ita multò tutius & efficacius salibus. Ad quid tùm absorbentia, quibuscum salium aculeos tentabis absorbere & infringere: hos adunabis potius, & adunatione fixiores facies & acrius vellicanas fibras partium, nullâ jam nisi diluentium ope assiduâ demulcendas. Non ignoras quanti in iis casibus fuerit auxilii secta ex inferioribus vena: scilicet laxabat vias, elaterem earum componebat, liquidis locum parabat quæ materiam putrem vehebant foras. Undè conficies diluentia in variolis sola esse specifica tantò efficaciora quantò simpliciora: quippè causas undevis oriundas expugnare valentissima, & salia quæcunque nocitura, solvere si acida, aut immergere, si de alkalium indole, aptissima sunt: bilem aut crudam, aut ex volatili oleosa factam acrem salinam plus minus evolutam, adustam, lixiviale m corrigere humectando, & reprimere ac demulcere obtundendo potentissima.

Ergo Variolarum tutior per diluentia sanatio.

Domini Doctores disputationi.

M. Raymundus Jacob Finet.

M. Jacobus Simon Gilles de la Rivière.

M. Franciscus Picot de Belestres.

M. Claudius Berger Medicus Regis ordinarius, & Regia scientiarum Academia & in horto Regio Chymicæ Professor.

M. Ludovicus Lemeray à Regia scientiarum Academia.

M. Nicolaus Bailly.

M. Philippus Bernardus de Bordegarye.

M. Petrus le Tonnellier.

M. Joannes Daval.

Lutetiæ proponebat ANDREAS DELALEU Parisinus, Baccalaureus Medicus.

A. R. S. H. M. DCCXII.